

劇目：《畢業禮 2020》

創作及演繹：中二 冼桐宇 郭筱騫 盧卓瑩 李名霖 秦少勛

學校：順德聯誼總會李兆基中學

劇目：《畢業禮 2020》

第一幕：最後一天上課

角色

老師: Tina (冼桐宇)

同學: Yolo (郭筱騫), Loo (盧卓瑩), Li (李名霖), Chun (秦少勛)

在班房裡, 同學們交換紀念冊, 老師和學生們一起愉快地聊天。突然之間, 教育部門傳來了有關 covid 而導致學校停課的消息。

同學(chun): 呢兩個星期我收到好多張呢啲嘢。一到小息同學就忙於交換紀念冊。其實兩個星期前我都喺淘寶訂咗一本, 佢話一個星期到, 而家就嚟第三個星期我都仲未收到。佢咁話因為疫症所以郵寄服務受影響。

同學(chun): 記得 M 記得 E?

同學(Li): 咪偷睇啦, 秦少勛!

同學(Yolo): 記得 me……..

同學(Li): 好啦啲, 郭筱騫!

同學(Yolo): 你都係寫呢句比我啲!

同學(Li): 寫紀念冊唔係寫呢啲寫乜嘢啊!

同學(Loo): 寫歌詞囉!

同學(chun): 姜濤?

同學(Li): 喂呀!!!

老師 (Tina) : 好! 同學, 畢業禮嘅綵排都 7788 啦, 好快趣你哋就要離開小學。
今年畢業嘅你地, 去到中學嘅時候唔好唔記得大家。記得友誼第一比賽第二。收到消息教育局可能下晝會宣布停課嘅安排。假如畢業禮冇辦法進行, 今日將會係我哋最後一次一齊班房到見面。大家一定要好好珍惜今次機會啊。不如大家影一張班相做紀念!

同學(Yolo): 我真係好想爸爸媽媽見到我喺全校面前做畢業致詞。

同學(Li): 畢業禮搞唔成嘅話, 如果作最壞嘅打算話唔定我哋以後都見唔到面。

同學(Loo): 我好唔捨得 6C 班啊!

同學(yolo): 上到中學要重新開始過。

同學(chun): 我最唔捨得嘅係班主任, 佢教咗我地咁耐。

同學(li): 好想屋企人見證我完成呢個階段, 但依家搞成咁都有乜可能。

第二幕: 教員室

角色

老師: Tina (冼桐宇), Loo (盧卓瑩), Li (李名霖), Chun (秦少勛)

校長: Yolo (郭筱騫)

收到教育部門發出學校停課的消息後, 校長立即與全體老師緊急開會討論畢業禮該怎麼辦。

(背景音樂: 新聞報道播出有關停課的安排)

老師(tina): 今年係我第一年帶畢業班, 我真係好希望見到佢哋畢業㗎。

校長(yolo): 今次開呢個特別會議係要跟進教育局嘅停課安排。雖然呢個安排都算意料之內, 但係我希望今年六年班嘅學生可以有一個畢業禮。大家點樣睇?

老師(chun): 呢個疫情都唔知幾時完, 如果畢業禮改期, 都唔知道要延遲多久。

- 老師(li): 我知道有啲學校選擇咗佢取消畢業禮, 都唔知道我哋可唔可以舉行到
- 老師(tina): 其實六年班嘅學生自從四月可以返嚟學校上課已經好雀躍咁問畢業禮嘅安排, 雖然只係一個月嘅綵排, 我見到佢哋個個都盡心盡力, 我看到佢地都好感動, 希望佢哋嘅功夫唔會白費。
- 老師(lo): 始終見着佢哋由一年班到六年班嘅成長, 我都希望可以見證到佢哋完成小學呢個過程嘅
- 校長(yolo): 我哋唯有將畢業禮喺 zoom 舉行。
- 老師(chun): 同學在之前上課時就有用 zoom, 非常熟悉, 技術上應該唔算太大問題, 只係感覺會有啲唔同。
- 校長(yolo): 如果大家都覺得 zoom 畢業禮係可行嘅, 我哋而家開始策劃下點樣令到畢業禮可以如期舉行, 同時請各班嘅班主任通知家長返學校擺獎狀以及畢業證書。

第三幕：家長

角色

家長: Yolo (郭筱騫), Loo (盧卓瑩), Li (李名霖), Chun (秦少勛)

老師: Tina (冼桐宇)

第二天, 家長回到學校拾取孩子的畢業證書時討論學校停課對畢業禮的影響。

- 家長(yolo): 好耐無踏入校園。上一次嚟呢一度係呀仔小一家長日, 之後每年都係媽咪去見老師幫阿仔擺成績表。尋日學校通知家長嚟擺畢業證書, 所以今日我同老婆食完個早餐就自己過嚟。小學校園咁多年都係一樣, 同我細個嘅時候嗰間小學差唔多。一入到學校就係操場同埋禮堂。想當年我都係代表同學做畢業致詞嘅。(家長們互相問候)
- 老師 (tina): 多謝家長們嘅耐心等待, 稍後我哋會逐一邀請你哋見老師及拿取子女嘅畢業證書。
- 家長(li): 尋日呀女返嚟話可能唔會有畢業禮。今年畢業嘅學生真係唔好彩。
- 家長(chun): 尋晚食飯嘅時候呀仔都有講起, 話影咗張畢業班相, 但係個個都要戴口罩。

家長(loo): 而家疫症咁嚴重取消畢業禮都應該嘅!

家長(yolo): 畢竟小學畢業係一個重要嘅階段我都希望陪呀仔見證到。

家長(loo): 聽啲老師話, 學校會同家長開會探討下有啲乜嘢嘅方法做到個畢業禮。

家長(li): 就算延期或者網上舉行都好過冇啦!

第四幕 (Part 1) : 網上畢業禮

角色

老師: Chun (秦少勛)

同學: Loo (盧卓瑩), Li (李名霖)

家長: Tina(冼桐宇), Yolo(郭筱騫)

爺爺: Chun (秦少勛)

麻麻: Loo (盧卓瑩)

一個星期後, 畢業典禮在網上舉行。在線儀式上, 一位學生代表與學校的老師們主持簡單的畢業禮。

同學(loo): 呼。。。今日係最後一次企上呢個台, 真係好緊張啊! 你要保佑我呀姜濤!

同學(loo): 各位老師各位同學感謝你們參加本年度的畢業典禮。光陰似箭 日月如梭 6年的小學生活眨眼間就過去了 離別在即 實在有許多不舍之情。記得一年級第一次踏進校門的時候是驚慌的 是無措的 那時老師的極力安慰依然歷歷在目。我們由小時候的年小無知到現在的獨當一面 擁有別具一格的處理方式 這都要歸功於老師的因材施教和無私奉獻 最後我謹代表全體 6年級畢業生感謝校長 各位老師並祝願母校前程錦繡。

老師(chun): 依家係頒發獎狀嘅時間。以下我會公布得獎嘅同學。首先有六 A 班。郭富城同學….

第四幕(Part 2)：移民

畢業禮結束後，同學 Li 的爸爸媽媽告訴他們打算移民加拿大的計劃。同學 Li 很驚訝，並表達了為什麼他不想去加拿大。

媽媽(Tina)： 嗰日返學校幫你擺咗你嘅畢業證書。Proud of you!

同學(Li)： 媽咪 daddy 我大個仔啦。九月我就係中學生。

爸爸(Yolo): 阿 B, 有啲嘢我同媽咪想同你傾吓。我哋打算為咗你嘅將來一家人移民去加拿大。你想喺加拿大讀中學？

同學(Li)： 移民？咁突然嘅？我哋幾時要去加拿大？

媽媽(Tina)： 最快可能係今年內。

同學(Li)： 即係幾個月後？但係我唔想去加拿大喎我想留喺呢度同同學一齊。

爸爸(Yolo)： 我同你媽咪希望你可以喺加拿大繼續你嘅學業，就好似我哋以前一樣。

媽媽(Tina)： 我仲記得係加拿大讀大學嘅時候認識你 daddy 嘅。嗰陣時我諗將來我嘅仔子女都應該會去加拿大讀大學。

同學(Li)： 咁點解返嚟香港唔一直留喺加拿大？

媽媽(Tina)： 因為你公公婆婆同爺爺麻麻都係香港, 佢哋年紀大啦，我哋要照顧佢哋嘛。

同學(Li)： 咁公公婆婆爺爺麻麻會唔會同我哋一齊移民？佢哋唔去我唔去㗎! (氣憤的阿 B 跑到爺爺麻麻那裏)

麻麻(Loo): 阿 B, 邊個蝦你呀?

同學(Li): 麻麻，我哋係咪要移民啦？

麻麻(Loo): 去外國讀書好啊，我同你爺爺唔識字，因為後生嘅時候冇機會讀書，你讀好書啊!

爺爺(Chun): 讀完咪返嚟探我喇囉。

同學(Li): 點解唔一齊去啊?

爺爺(Chun): 我哋睇唔明雞腸, 留嚟香港等你返嚟屋企。

嫲嫲(Loo): 你有爹哋媽咪陪住你, 我有爺爺陪住我, 等你讀好書返嚟阿。

第五幕: 後會有期

角色

同學: Yolo (郭筱騫), Loo (盧卓瑩), Li (李名霖), Chun (秦少勛), Tina(冼桐宇)

暑假過後, 大家都開始了中學的生活。因為 covid, 他們大部分時間都在網上學習。他們想念小學和小學的朋友, 一直在 whatsapp 保持聯繫。

同學(Li): 之後爹哋媽咪爺爺嫲嫲講咗好多嘢加拿大嘅時候讀書嘅嘢俾我聽。記得細個嘅時候去過加拿大探姑媽, 嗰陣時嘅加拿大係好大好凍但係好開心嘅。爹哋媽咪決定咗過埋新年就移民去加拿大, 所以我同大家一樣嚟香港升中一。好耐冇同小學同學見面, 好想約埋佢地一齊出嚟玩。

同學(Tina): 今日上堂有條友開咪唱一人之境, 笑死人。(背景音樂: 打短訊時發出的聲音)

同學(Loo): 正啊! 林家謙, 我老公啲!

同學(Li): 唔係姜濤啦? 咁快轉話嘅? 今日我地英文老師上左半堂先知佢無開咪。

同學(Yolo): 吓成堂睇口型?

同學(Chun): Zoom 嘅體育堂仲無聊, 老師要我哋係個電腦前面拉筋做一字馬, 跟住再拉筋, 齋拉半粒鐘, 乜都有教過。

同學(Yolo): 原來期待好耐嘅中學生活同畢業禮差唔多, 嚟網上點名, 網上上堂, 網上認識同學老師。

同學(Tina): 其實我個心仲係嚟個畢業禮嗰度, 希望疫症過咗之後再由畢業禮嗰刻開始重新出發。

同學(Loo): 好掛住 6C 班嘅同學啊!

同學(Li): 就喺限聚令完咗我哋一齊返去探老師同校長啦。

同學(Yolo): 一於咁話! 後會有期!

劇終